

öErich Bolinius

Bisher vor einigen Wochen wurden alle Sendungen von „Heiko“ aufgezeichnet und ins Kickers-Forum eingestellt. Jetzt nicht mehr. Warum weiß ich nicht. Weiß jemand die Gründe? Mein plattdeutscher Beitrag für die Sendung nachstehend. Wenn `s interessiert.

(Bericht über den BSV Kickers Emden
Sendung „Flutlicht“ auf Radio Ostfriesland
Donnerstag, 1.12.2011 18.00 Uhr auf 94.0 bzw. 87,7)

Moin, leev Toehörers!

Wat was dat `n upregend Week för de Fans van Kickers Emden. Genau vör een Week deelte de Vörstand mit, dat man in de Insolvenz gahn wull. De Leden van Kickers Emden, de in `t Hotel Faldernpoort komen wassen, um toe hören, wo dat mit de Vereen wieder gahn dee, wassen heel gefaat over disse Naricht. Se harren dor wall al mit rekend. Ja, as de Upsichtsraadvorsitter **Dr. Klaus Strahmann** in ruugweg 7 Menüten vertellte, wo man sük de Toekummst van Kickers Emden vörstellte, gaff dat sogar Bifall! Junge, dat har `k neet docht, dat de Leden sovöl Künn harren un disse stur Weg för Kickers mitgahn wölen. Aber, dat dat de recht Weg is, dorvan bün ik ok overtügt.

Dorna gung dat heel fell. Präsident **Günter Schmalder** gung al an de komende Dag na dat Amtsgericht in Auerk um de Insolvenz antoemelden. De Spölers wassen dorvan natürelk neet begeistert. In de komende Dagen harren de Bladdjeschrievers wat toe doen. Dat gung dorum, of Kickers de Saison noch toe Enn spölen dee of neet. Eenige Spölers wullen, so kunn man lesen, neet mehr spölen. Um de „gülden Ananas“ würr dat keen Spaaf maken, meenten se.

In de Kickers-Emden-Forum meldten sük de Fans toe Woord, de meisten wölen ok in Toekummst hör eerst Mannskupp anführen, ok wenn se weten, dat de Mannskupp ofstiegen mutt, egal wovöl Spölen se noch winnen deit. Dat sünd für mi rechte Fans, de so hanneln. Neet blot wenn dat goed löppt, `n Fan wesen, nee, sünnern wenn dat maal slecht löppt, jüst dann mutt man dor wesen.

Güstern Abend wassen all gespannt, of de Mannskupp toe dat ansette Training komen würr. Un wor ik sülvst fast mit rekend hebb, is intruffen. De meisten Spölers sünd komen. Vör dat Training hebben de Trainers **Uwe Groothuis** un **Jens Jaschob** un Präsident **Günter Schmalder**, Upsichtsraadsvorsitter **Klaus Strahmann**, Upsichtsraadslidd **Rüdiger Meinen** un Vörstandslidd **Rainer Bruns** mit de Mannskupp proot. Na disse Gesprek kunn **Günter Schmalder** mit Freid verkünnen, dat de Mannskupp wieder spölen deit, un Sönndag in Heeslingen in de Oberliga Neddersassen antreten deit. Junge, dat is doch maal `n moi Naricht, meen ik.

Sovöl, toe de eerst Mannskupp. Ik nehm an, dat in disse Sendung dortoe noch völ seggt word. Man, `n bietje toe `n Spöl will ik doch noch vertellen. Neet van de eerste Mannskupp, sünnern van de A-Jögd-Mannskupp. De hebben lesd Weekeneen buten in Heidmöhlen mit 4:1 wunnen. In de eerst Halvtied leep dat neet so, man na de Pausentee, Trainer **Turan** harr leep up de Putz hauen, leep dat allerbest. För Kickers skoten **Haubner** (16. Menüte), **Bloem** (48. Menüte), **Steffens** (63. Menüte) un **Börchers** (73. Menüte) de Toren. De Tabellenspitze in de Neddersassenliga wurr vör Langenhagen hollen. Wat ik van Trainer **Turan** neet verstah, is, dat he de Konsequenzen trecken will, wenn he vör de eerste Mannskupp stückofwat Spölers ofgeven mutt. So stunn dat toeminnst in de Emden Bladd (Zeitung) lesd Mandaag. Man, wenn de meeste Spölers van de eerst Mannskupp blieven, dann deit sük dat ja van sülvst erledigen. Bün gespannt, wo Kickers Sönndag in Heeslingen uptreten deit. Ik löv sogar, se winnt.

So, nu noch toe Schluss, as alltied, kört Foetballwitz:

Mario Gomez word fraagt: „Weten se egenlik, dat se völ mehr verdeenen as Bundeskanzlerin **Angela Merkel**?“

Sien Antwoordt: „Dat mag wall wesen, man hemmen se Frau Merkel al maal Foetball spölen sehn?“

So leev Toehörers van Radio Oostfreesland,

ik hoop, Joe hett dat Plattdütsk gefallen, denn mien Motto heet ja alltied,
plattdütsk dürt nettso as Kickers Emden – neet unnergahn.

Bit anner Maal

Joe

Erich Bolinius ut Emden-Petjem.